

LESCHËLLE
DES
PARTISANS
EN VERS
BURLESQUES.

M. DC. XLIX.

THE
JOURNAL
OF
THE
SOCIETY
FOR
THE
IMPROVEMENT
OF
THE
MORALS
OF
THE
JUVENILE
PART
OF
THE
COMMUNITY
IN
THE
CITY
OF
NEW-YORK
AND
THE
COUNTY
OF
NEW-YORK
IN
THE
YEAR
OF
THE
FUNDING
THE
SOCIETY
FOR
THE
IMPROVEMENT
OF
THE
MORALS
OF
THE
JUVENILE
PART
OF
THE
COMMUNITY
IN
THE
CITY
OF
NEW-YORK
AND
THE
COUNTY
OF
NEW-YORK
IN
THE
YEAR
OF
THE
FUNDING

THE
JOURNAL
OF
THE
SOCIETY
FOR
THE
IMPROVEMENT
OF
THE
MORALS
OF
THE
JUVENILE
PART
OF
THE
COMMUNITY
IN
THE
CITY
OF
NEW-YORK
AND
THE
COUNTY
OF
NEW-YORK
IN
THE
YEAR
OF
THE
FUNDING



LESCELLE

D E S

PARTISANS

EN VERS

BURLESQUES.



Ve la riche^{te} de plaisir!
Qu'elle contente le desir!
Puis que l'on ne void point que l'homme
Ait iamais d'assez grosse somme,

Et que tant plus il a d'argent
Tant plus il se croit indigent.
Cela vient que tout nous abonde
Quand nous auons dedans le monde
Ce metal doux & sauoureux
Qui tout seul nous peut rendre heureux
Toutes choses nous sont viles,
Nous pouons frequenter les villes,

Nous allons sans estre esbahis
 Voyager en diuers pays,
 faisons par tout nostre affaire,
 La terre est nostre tributaire,
 L'air nous fournit dequoy manger,
 L'onde nous permet de nager
 Pour aller dans vne autre terre
 Querir le thresor qu'elle enferme;
 Enfin il ne se trouue rien
 Qui ne conspire à nostre bien.
 N'est-ce pas vne grande force?
 Et si quelqu'un par cette amorce
 Se laisse porter aisement
 Dans vn si grand contentement,
 Qui pourroit auoir droit d'escrire
 Contre cét homme vne Satyre?
 Pour moy ie ne le blasme pas
 De se plaire dans ses appas,
 Ny de posseder vn Empire
 Si son amen'en deuiant pire,
 Et s'il ne prend à toute main,
 La richesse de son prochain.
 I'en connois beaucoup dans la France
 Qui remplis de trop d'assurance
 Prennent à tort & à trauers
 Sur le bon & sur le peruers,
 Sans espargner ny Roy, ny Prince,
 Ny ville, ny grande Prouince,
 Pauvre, riche, Noble artisan,
 Le Bourgeois, ny le Payfan,
 Faisant là par tout maison nette,
 Car tout est bon dans leur pochette.
 Ces gens là ie les dirois bien,
 Mais pourtant ie n'en feray rien;

Car

Car Saint Iean, ie crains que leur rage
 Ne me fist quelque iour outrage,
 Tant ils sont enragez de voir
 Qu'on est fasché de leur pouuoir,
 Et ce leur est vn grand supplice
 Quand on descouure leur malice.
 Toutesfois maintenant ie veux,
 (Se mouche qui sera morueux)
 A cause qu'ils ont fait ma perte,
 Auoir tousiours la bouche ouuerte,
 Sans pourtant les vouloir nommer
 Pour les reprendre & les blasmer.
 Au mal qui n'a plus de reprise
 La voix nous est tousiours permise,
 Et l'on se plaint tres-iustement
 Quand on souffre quelque tourment,
 Ce seroit vne tyrannie.
 Lors qu'on nous veut oster la vie
 De nous arracher à la foix
 Le plaisir avecque la voix.
 Ces meschans donc, & ces infames
 Ces vilains corps quin'ont point d'ame
 Paroissent dedans les Estats
 Comme de graue Potentats,
 Bien qu'ils soient sortis de la lie
 D'une famille enseuelie
 Dans la plus grande pauvreté
 Où Irus ait iamais esté.
 Vn laquais, vn valet d'estable,
 Deuiet vn Commis d'estable,
 Puis apres auoir bien volé,
 Bien rauy tout, bien recelé,
 Bien aquis l'or & la cheuance,
 On le place dans la Finance,

Où à peine il a fait vn pas
Qu'il deuient Monsieur gros & gras.
On le traîne dans vn carrosse,
Il fait sa maison belle & grosse,
Car toutes sortes d'Officiers
Se trouuent chez les Financiers;
Il choisit vne belle femme,
Qui porte le titre de Dame,
Car Damoiselle c'est trop peu
Pour ce sot qui se picque au ieu.
Sous la faueur de cette fille
Bien riche & de bonne famille
Ce Galand monté dans les Cieux
Deuient fier & ambitieux,
Il se met dans la fantaisie
D'acheter vne Baronie,
De se faire Comte ou Marquis
par les amis qu'il s'est acquis,
Et pour que rien ne l'interresse
Il prend vn titre de Noblesse,
Faisant voir par son Escusson
Qu'il sort des Comtes d'Alençon.
Ces qualitez luy sont données,
Sous des titres de mille années
Qu'il cherche dans des vieux cahiers;
Les parchemains & les papiers
Sont rendus vieux par artifice,
On les enfume & on les plice,
On les casse bien proprement
Pour en faire vn beau monument
De vieillerie & d'antiquaille.
Et pourtant ce n'est rien qui vaille.
Dans ce point ne faut plus penser
Que ce Monsieur vaille passer

Pour quelqu'un de la populace,
Il porte plus haut son audace,
Sa hantisse est dedans la Cour
On l'y voit de nuit & de iour,
Les plus grands sont ses camarades,
Qui luy font mille saluades,
Mais le tout sçavez-vous pourquoy ?
Parce que Monsieur a dequoy.
Parmy tant de belles fortunes,
qui pourtant ne sont pas communes,
Son cœur est plus haut esleué
Qu'un chien fientant sur un pauvé :
Il tranche de l'excellent homme,
Il ne parle plus que de Rome,
De Venise, & des autres lieux
plus riche & plus prenicieux
Desquels tous les mois on ne manque
De luy faire tenir la Banque :
Le voila dans en grand credit,
On ne voit ny grand ny petit
Qui bien-tost ne se diligente
D'y porter son argent à rente,
Il preste mesmement au Roy.
Voicy meschant, voicy pourquoy
Tu commences d'estre coupable ;
Cardis moy, qui t'a fait capable
De prester à qui tu dois tout ?
Je ne vois ny riue ny bout
A la raison que tu peux dire,
Et là ie cesserois d'escrire
Si ie n'auois dessein d'aller
Au point qui te fait reculer,
Mais auparauant que i'y viennē,
Il est besoin que ie t'apprenne,

Sit ne le veux pas sçauoir
 Autrement, quel est ton deuoir,
 Et que ie despeigne ta vie
 Telle quelle est, & sans enuie.
 premierement dans vn Estat
 Tu te souilles de peculat
 peste du Royaume, & le vice
 Capable du plus grand supplice;
 Tu manges les grands & petits,
 pour assouuir tes appetits,
 Et par mille tours de souplesse
 Tu voles avec hardiesse,
 Car qu'est-ce qu'un Monopoleur
 Sinon un brigand, un voleur
 Qui derobe avec assurance
 Les plus beaux thresors de la France:
 Qu'est-ce qu'un meurtrier assure?
 Qu'un homme plus denature
 Qu'un lyon, ou bien qu'une louue,
 Qui deschire tout ce qu'il trouue?
 l'en dirois encore bien plus,
 Mais mon ame en fait le refus,
 Ne mettant pas sa complaisance
 A former vne medisance,
 Car tout ce que ma plume escrit
 N'arreste point dans mon esprit,
 Et passant ainsi qu'une nee
 En un instant se diminuee,
 Tant ce crime me fait d'horreur,
 Mais pour te donner la terreur,
 Et pour changer la conscience
 Je monstre par experience,
 Qu'un Monopoleur ne vaut rien,
 Et qu'il n'est qu'un pilleur de bien,
 Qu'il

Qu'il n'est qu'une mer & qu'un gouffre
 Où tout se perd & tout s'engouffre,
 Qu'il est criminel de tout point,
 Un meschant qui ne change point,
 Un endurey dans sa malice,
 Une sentine de tout vice,
 Plus puant & plus infecté
 Qu'une charongne en plein Esté.
 Aussi lit on dans nostre Histoire,
 Autrement on ne peut le croire,
 Qu'autrefois on les a perdus,
 Qu'on les a bruslez & pendus,
 Afin qu'ils seruissent d'exemple
 A tout homme qui les contemple,
 Tesmoins en sont iusques icy
 Erouët & de Beaune aussi,
 qui menez dans une charette
 Finirent leur derniere traite
 A Mont-Faucon hors de Paris,
 Où le peuple avecque des cris
 Les poursuivant parmy les rues
 Se mocquoit de ces pauvres gruez
 qui se trouuoient bien esperdus
 De se voir ainsi confondus.
 Un Louys fit cette Iustice,
 Un Louys rechercha ce vice,
 Un autre Louys quelque iour
 Fera tout de mesme à son tour;
 Quand il verra la decadence
 Qu'ils ont faite parmy la France,
 Et que ses peuples ruinez
 Pour cela se sont mutinez;
 Plusieurs Princes & grâds Monarques
 Nous ont laissé de belle marques

Qui nous peuuent faire prudens
 Aue porter ces impudens,
 Dont les ames plus effrontées
 Que des Nerons & des Athées
 Voudroient nous auoir mis à bas.
 En effet ne voyons nous pas
 que Philippes a fait la guerre
 A cette vermine de terre,
 Et les a tous exterminéz
 Comme des matins acharnez
 A deuorer nostre substance,
 Sans que pourtant la penitence
 Ait peu iamais aucunement
 Adoucir leur entendement.
 Ce grand Prince qui fut à Rome
 Estimé le plus prudent homme,
 Et pour le Prince le meilleur,
 Ne fut-il pas leur assaillleur?
 Reprenant toute leur rapine,
 Dont ils auroient fait sa ruine,
 S'il n'eut pas eu tousiours le soin
 De les preuenir de bien loin,
 Leur faisant souuent rendre compte
 A leur regret, & à leur honte.
 L'Espagne mesmement à veu
 Son Estat enfin despourueu
 Par la main de ces miserables
 Dont les playes sont incurables;
 Et le Roy mesme n'auoir pas
 Chez luy dequoy faire vn repas.
 Et d'autant que l'Histoire est belle
 Je vous la veux rapporter telle
 Que ie l'ay leu premierement
 Sans changer vn mot seulement

Henry troisiſme de Caſtille ;
 Prouince bien riche & fertile,
 Reuenant vn iour de chaffer
 Afin de ſe mieux delaffer
 Voulut aller droit à la table
 Quand ſon cheual fut à l'eſtable,
 Mais ayant dit ſa volonté
 Il ne trouua rien d'appreſté ;
 Entrant donc en colere , il mande
 Son Maiſtre d'hoſtel, & demande
 Pour quel ſuiet on n'auoit pas
 Pour lors appreſté ſon repas.
 Le Maiſtre d'hoſtel luy dit, Sire,
 Vrayment ie ne vous l'oſois dire,
 Mais pour vour parler franchement
 Ie ne ſçache pas ſeulement
 Vn Marauedis dans ma poche,
 Et ce qui vous eſt vn reproche
 Ie n'ay pas pour vous heberger
 De quoy ſeulement engager,
 Le Roy ſurpris de ce langage
 Changea tout à coup de vilage ;
 Et par vn acte tout nouueau
 Bailla luy-meſme ſon manteau
 Pour auoir de la chair de Chevre
 Qu'on luy ſeruit avec vn lievre
 Qu'il auoit luy-meſme apporté
 Dont ſon diſner fut appreſté.
 Pendant cette eſpace il s'enqueſte
 D'où luy venoit cette diſette,
 Et comme il en fut aduertý
 Par vn homme de ſon party,
 Il reconneut les pilleries,
 Les larcins & les volleries,

Que ces Financiers exerçoient,
 Et que tous ils s'enrichissoient.
 Il se resout donc dès cette heure
 D'aller luy-mesme en leur demeure,
 Se desguisant dans vn tel point
 Que pas vn ne le conneust point.
 Si tost que la nuit fut venue,
 Comme enueloppé d'une nuë
 (De mesme qu'un iour le Troyen
 Trompa Didon par ce moyen)
 Il se coula parmy la presse,
 Pour descouurir ce qui l'opresse.
 Comme il fut g'issé parmy eux,
 Il vit vn festin somptueux
 Qu'on apprestoit dans vne sale,
 Il regarde comme on estale,
 L'or & l'argent de tous costez,
 Que de beaux mets sont apportez,
 Que tout va d'ordre, & qu'on ordonne
 Ce qui diroit à sa personne;
 Tous les galands de ce festin
 Estans saouls ne parloient Latin,
 Mais dans leur langage ordinaire
 Il discouroient de leur affaire,
 Et faisoient comme vn resultat
 De ce qu'ils tiroient de l'Estat.
 Ils parloient de leurs heritages,
 De leurs champs, de leurs mariages,
 De leurs Offices, & comment
 Ils auoient du bien amplement.
 Le Roy cependant qui desire
 De bien profiter de leur dire
 Se retira le iour venu
 Sans auoir esté reconnu,

Et

Et meditant en sa pensée
 Comme la chose estoit passée
 Il fit cacher secretement
 Des soldats dans l'appartement
 Le plus proche de sa demeure;
 Et fit courir à la mesme heure
 Vn bruit qu'il s'en alloit mourir
 D'un mal qui ne pouuoit guerir,
 Et qu'à l'instant il vouloit faire
 Son testament, & satisfaire
 A ses dernieres volontez.
 Il enuoya des deputez
 Vers les Banqueteurs dans la ville,
 Leur dire qu'il estoit vtile
 Qu'ils vinsent trouuer vistement
 Ce Prince en son dernier moment.
 Ils accoururent tous bien viste,
 Et quand ils furent dans le giste
 Où l'on desiroit les tenir,
 Ils virent aussi-tost venir
 Vne brigade de gendarmes
 Qui se tenoient tous sous les armes.
 Cela les estonna bien fort,
 Mais pourtant ignorans leur tort
 Ils restoient tousiours dans l'attente
 De voir l'effet qui se presente.
 Le Roy paroist à l'impourueu,
 Et à peine l'auoient-ils veu
 Dans vne effroyable posture,
 Il estoit couuert d'une armure,
 Et tenoit vne espee en main,
 Et sous vn regard inhumain,
 Ayant le despit sur la langue
 Il commença cette harangue.

D

Messieurs, ie voudrois bien sçauoir
 Combien de Roy il doit auoir
 Dans le Royaume de Castille,
 Pour commander en cette ville,
 Et sur le reste du pays ?
 Mes drolles lors bien esbahis,
 Ne respondoient point à leur Sire,
 Toutesfois vn d'entre-eux va dire
 Comme estant le plus resolu,
 qu'un seul Roy doit estre absolu.
 Le Roy, comme en voulant s'esbattre,
 Luy dit qu'il en auoit veu quatre,
 Et leur faisant recit de tout
 Ce qu'il sçauoit, depuis vn bout
 Jusqu'à l'autre, il rendit leur ame
 Toute confuse de ce blâme,
 Si bien qu'ils ne sçauoient comment
 Pallier cét euénement.
 Alors le Roy sans plus attendre
 L'un apres l'autre les fit prendre,
 Et faisant venir le bourreau
 Pour les ietter sur le carreau,
 Ces Messieurs perdirent l'enuie
 De mener plus si bonne vie,
 Et chacun se trouuant vaincu
 Ils auoient tout bien peur au cu,
 Si bien que se iettans par terre
 Malgré celuy qui les atterre,
 Ils prièrent si fort le Roy
 Qu'il les remit tous hors d'effroy,
 Se consentant de la menace,
 Et leur donnant à tous la grace.
 Il les tint pourtant en prison
 Pour les reduire à la raison,

Et les contraindre de luy rendre
 Ce qu'ils auoient bien sceu luy prendre.
 Vous qui prenez quelque interest
 A cela, iugez si l'arrest
 De ce Prince estoit de iustice
 Pour punir vntel malefice,
 Ou s'il fut moins iuste que doux
 A ses hommes pareils à vous.
 C'est assez, car ie ne m'engage
 A vous en dire dauantage,
 Le reste vous l'entendez bien
 Si vous estes des gens de bien,
 Gardez bien que des cas semblables
 Ne vous fassent plus miserables
 Que vous n'auiez iamais este
 Auant dans la prosperité;
 Car l'auarice est vn abyme
 Qui meine dans vn autre crime,
 Et sur tout quand on a pouuoir
 De tousiours prendre & receuoir,
 Enfin tout d'un coup il arriue
 Que la fortune nous en priue,
 Et nous fait de beaux eschelons
 Pour trespasser à reculons.
 Ne blasmez donc point ie vous prie
 Ma plume, & ce qu'elle vous crie,
 Car au moins nous est-il permis
 De reprendre nos bons amis.
 Tousiours la remonstrance est bonne
 Quand elle ne taxe personne.

F I N.

